



國家清史編纂委員會·文獻叢刊

清代詩文集彙編

國家清史編纂委員會・文獻叢刊

清代詩文集彙編

《清代詩文集彙編》編纂委員會 編

上海古籍出版社

清代詩文集彙編 五七六

花宜館詩鈔十六卷續存一卷無腔村笛二卷

吳振棫撰

一

躬恥齋文鈔二十卷後編六卷躬恥齋詩鈔十四卷首一卷後編

七卷（躬恥齋文鈔二十卷後編六卷）

宗稷辰撰

一八三

花宜館詩鈔

十

花宜館詩鈔

錢塘吳振棫宜甫

起嘉慶庚午至戊寅

有引

寨賊大驚潰後屢立戰功累官至提督

花宜館詩鈔

卷上

+

蟹山高

營中謂之寡婦糧

太守怒有引

曩大學士公福康安督蜀勢張甚鈴下所養憑藉搏噬莫撓其鋒一日與夫人人家攫釵珥都司徐斐見而訶之其黨伍梓徐捷辱冠服皆毀姚公令儀方爲成都太守捕治之斃其魁大學士怒曰守敢爾詰其事則抗辭以對時已奏擢川東道乃遣騎追前疏還然公直聲震蜀中矣公婁縣人以乾隆丁酉拔貢起家崎嶇戎馬間累官至四川布政使蜀人習聞其事因作太守怒一篇

花宜館詩鈔

卷一

七

都司詞與夫怒老拳捽胡苦枝梧與夫譁太守怒赤棒聲中一城怖太守謁相公怒守不遷官守自誤吁嗟乎與夫之怒速其死相公之怒庸才耳太守之怒強項矣

往事

恩深翻惜死福大不論才龍虎邊庭節笙歌幕府杯重權諸將伏殺運十年開往事沙沈戟斜陽雀鳥哀

張敬柳陰牧牛圖

曲波如環漱石齒禿柳枕江臥不起一鞭叱叱驅歸牛羣鴉驚飛拍江水牛牛牛牛何夷猶一生不受金絡頭老翁偃僂與牛語柳陰團團且休汝

書姚大春木椿詩集後卽送還江南

長安多朱門青青滿資萊卻曲傷吾心迷陽傷吾足可憐驚眼貫不受金錯刀庸夫笑鷄雀蹤跡埋蓬蒿才人萬古淚同下攏作苦雨隨江濤江濤出峽東入楚夜把長劍獨速舞華陰有土誰拂拭虎氣飛鳴入毫楮變身飄飄玉衣舉碧宮夜寒踏雲語青霞碎翦擲千縷仙機無聲織星渚鶴翩飛兮返故岑山重水遠雲陰陰相思一夜江南夢春雨五茸芳草深

外舅姚一如方伯輓詩

卅載馳驅齒髮殘真從王室奉心肝如何海內銷金甲

花宜館詩鈔

卷一

三

已見雲中下玉棺恩怨白頭誰論定功名青史歎才難當時揖客將軍重露布催成萬帳看臺鸞麻爾喀西藏川楚教匪諸役公皆在軍中

一代香光筆法工莫教餘技掩奇功歸耕天靳餘年福說士人思長者風自婉清言非銜玠難將雅化狀文翁欲知美政調寬猛盡在蒼生涕淚中

御河行有序

成都貢院爲明蜀藩邸故址崇墉四周中有數巨石雕文龍蟠舊物也外爲御河今猶沿其名荒蕪不治且涸矣春晚過此感歎成篇

春水二分江入城御河堤上無水聲寒沙碎礫五百丈
覆馬蹀躞烟草平當時水繞宮牆碧花邊玉簫柳邊笛
祇今樹色何萋迷鶯巢換與鴝鵒啼千秋萬歲一朝暮
漢苑唐宮古無數點點青山總不情埋盡癡魂伴狐兔
瑤池仙人秋鬢白白雲瀉盡銀潢窄瓊花爛煮不得喫
不如河樓酒一滴

上巳同人集禊帖作詩余亦繼和

錄錄今猶昔殊非爲樂時盛年不可又世事已如斯春
向人間老文從悟後知山林致清靜感遇豈生悲

風有一絲足當之殊快然無山寄游跡聽水悟流年曲

花宜館詩鈔

卷一

四

室臨虛竹春陰帶暮天幽懷託清詠未合列諸賢

雨後見月

騎額已愁雨照泥還有星疎螢上衣白涼月抱烟青水
寺催鐘杵風爐罷茗瓶夢中鄉路遠多少畫烏亭

夜坐

明河夜耿耿螢火入林微燈影白於月雨聲涼在衣詩
成寫苦紙客至欸荆扉未免瞋奴嬾行沽尚未歸

薛濤酒

薛濤井以
釀味極清冽

圓川仰流淨無垢苔繡銀牀色深黝城中汲取釀老春
儲保朝朝具綆缶薛濤昔住浣花溪草長鴛鴦拂文牖

節度殷勤召校書幕府清歡誇席紉枇杷花裏鬪清吟
風雨飄零五百首廢址難尋曲木樣諧語空聞沒梁斗
舊坊箋樣問松花十色繽紛雲散久空花小劫何足弔
只合閒呼掃愁帚油囊無處覓老姥琬液何時薦王母
太真夫人不復酤湘中女子今安有平生未了麴蘖事
愛爾香名猶未朽可憐顏色稱黃嬌卓女壚邊能似否

故劍

一擲風雲恨殘銘認太阿只應埋澗壑漫憶斫蛟鼉思
怨前生盡英雄老淚多終憐奇氣在玉具重摩挲

蠹簡

花宜館詩鈔

卷一

五

竹素原千古其如老蠹何神仙言盡妄文字禍偏多下
士爭殘闕名山費網羅翻憐無字句妙悟自維摩

昭化縣

漢水分流界兩川馬鳴閣外暮霞懸侯封地失葭萌舊
古渡名猶枯柏傳新柳綠分村路細亂山青束縣城圓
八行欲寄成都去江上開帆有估船

龍門閣

怒龍按地起雙嶺屏對展東西石橫跨薛印馬迹淺下
有給衍洞斧鑿鬼工遺仙扉幾扇開水簾萬珠卷靈境
敞摩訶凡骨許誰踐我來迫高春欲往志先輟捫天踏

龍背腳底怒霆轉窘步愁顛隋屏息萬慮窮

甯羌州

驛柳不成行交烏弄吭夜來氏道客夢落碧雞坊強
弩家家有山田歲歲荒洗兵知未久漫怨小紅狼

沔縣道中

纖路松篁裏鳴禽沙水間天然眉黛好只有女郎山

寬川舖

山盡見平沙炊烟聚幾家空槽嘶病馬獨樹下羣鴉客
倦寒宜酒村晴暮有霞野林誰與賞隨意自開花

七盤嶺

花宜館詩鈔

卷一

六

羣山圍獅豹骨突氣象猛錫鑿元氣中匠巧天所逞簞
深鳥無語袖擁白雲冷左旋右復折七曲屹巨嶺嶺顛
拓還眺紫翠蕩晴影廣袤千里餘了了俯窺井獨苦履
斷蹕陪鐵馬蹕警三復乘危言自斷忠信秉

雞頭關

膈膈膊膊雞亂鳴雞頭關上行人行關頭曉曉多怪石
以物取象關得名石小如棋大如斗旋轉風中逐人走
古柯踞地僵不花毒霧中人烈于酒馬行契需馬膽怯
不肯橫馳常俯首僕夫怒馬又惜馬鞭影搖搖迫其後
少年任氣遠行役道路酸辛十知九閉門持火燒車輪

此福人間問誰有義鞭扶日疾似梭達人知命焉知他
願君夜半莫起舞聽我雞頭關上歌

觀音碕

陰后補天竅天漏石亂墜棧閣此中斷惟有飛鳥至賈
侯用火攻鏖險出尺地至今厓厂上不得過兩騎攀援
濟緩急霜藤曳深翠石紋圻縱橫波磔具逸致以指試
畫肚如讀古皇字奇招仙靈賞險拒俗駕厠青山肯我
留願矢縛茅志

馬鞍嶺

言陟馬鞍嶺登頓二十四俗謠云然元雲莽蕩蕩晴晦聚壑

花宜館詩鈔

卷一

七

異修磴石作梯不踐寸土地居民麋鹿狎過客虎狼伺
悲聲起高蘿山鬼白日戲雨從武關來一夜洗寒翠脩
然動仙心高鶴天外至

留壩

逐隊騾綱遠揮鞭夕未聞人經野羊水路入畫眉關嶺
騎原頭火歸鴻雨外山今宵鳳州酒好爲破愁顏

柴關嶺

羣峰合如環白雲塞其空我來登陟頻馬足夕陽送上
有千章木朝暉鬱陰霽山深樵斧赦顛倒枝葉縱怒號
眾竊并羣壘萬狀貢燭龍拒不入終古墮昏夢南望紫

柏山七十二巖洞聞有仙靈游青虬玉童控

鳳縣

昔讀岐南志常思古鳳州今來衝暮雨荒落使人愁轉
戰兵方罷瘡痍淚未收東風萬條柳還似舊時不

銅雀臺

不見銅雀臺但見漳河瀉春草綠如油無人覓殘瓦

與孔夢鵬編修

傳綸

移居上斜街

袍花映日佩鳴玉九衢未曉車相逐君是長身幾世孫
局腳牀中貪睡足城西苦愛人跡少招我同居寺傍屋
寺側樹頭鳴鳥自來往樹下雙扉無剝啄滿窗紅日夢

花宜館詩鈔

卷一

入

初醒石銑松風一甌熟翰林風月本神仙君是散仙尤
絕俗君未入清秘堂及兩書房故云君看百歲如風狂未養丹砂一火
伏妄心似膜要消除華髮如絲易摧剝果然憂情耐長
飢不須苦草三千牘

贈魯孝廉芸峰

邦華

青衫餘涕淚猶上孝廉船作客貧耽酒論詩老入禪塵
埃誰相馬風雨又聞鵬賴有雙鬢唱才名早與傳

簡朱三石友

葉雲

寥落向誰語懷中冷玉琴把杯孤館淚伏檻暮年心黃
鶴故林遠白鷗春水深何爲萬人海擁鼻但酸吟

喜翟綬伯敬邦自蜀入都

相逢不是夢一笑卽銜杯游跡燈前數詩心劍外來瓊
瑤重投贈桃李笑與臺之子姬姜美華年耻自媒

送嘯雲弟爲楫報罷還蜀

一騎長征日三河苦戰時客過魑魅喜書到死生知劍

棧天邊路春塘夢裏詩聯牀來聽雨何日共銜卮

贈徐鴻治業鈞卽送還蜀

擾擾長安市關門白日眠愁惟向天問狂不受人憐投
轄耽豪飲題襟擅妙篇近來能脫略我亦惜華年

一第何輕重翩然去

花宜館詩鈔

卷一

九

帝鄉干戈衝汲郡風雪到華陽寒夢蜀絃淫離心燕草
長薛家牋樣好書札莫相忘

有感

甘泉宮外提書陳功狀傳聞半失眞笳鼓中朝歸大將
畫圖終古哭流民招魂夜月黃河岸埋血空山碧草春
始信火攻真下策不知閭外付何人

荏平道中

野芳擢荒蕨花氣悅鳥性縱殊桃李姿破籬寫幽葩上
有樛木枝夕響挾風勁落葉日以多露緣尚相映流烟
去不息山光暮逾淨冥濛上沙月昏如未磨鏡

韓莊

酒旆出深樹乍聞人語喧東西八九家烟火自成村瓜
蔓一何長青青綠牆垣黃雞樹桺老特臥當門亦有
井與竈亦有瓶與盆懷葛執云遠農桑固所敦勞勞獨
行役百憂向誰論

舟次有懷陶槎仙際竟京師

蒼蒼平楚外雙槳動吳音鳥語下寒色江流清客心風
霜鄉信近燈火市門深之子歸來未京華恐滯淫

寶應道中

點綴芭蕉曉子黃松毛壓屋小槽香不知何處龍竿寺

花宜館詩鈔卷一

疎雨涼蟬過射陽

邵伯埭

一櫂過棠堰黃蘆欲著花不聞人語響數點落寒鴉

金山

浮玉峰頭生暮烟妙高臺下水連天開堂誰領三千指
放棹重來十四年辛酉會登此山塔影半空飛鳥外江聲萬里
佛經前東坡誓苦歸何日莫負雲山舊衲緣

丹陽道中

寂寞雲陽地蒼茫過客舟峭帆飛迅鳥殘月下奔牛孤
槳天涯夢清霜木末秋莫教江北望落葉使人愁

至江陰借萬陳氏宅

吾遊真倦矣不復掛帆行江郭新過雨秋潮暗入城洗
塵空買醉撫軫默含情倚幌憐孤影翻嫌月太明

追憶

記得銅荷照影雙鳧花爲我撥深缸祇今獨醉捲寒枕
落葉如人夜打窗

矮箋愁寫並棲禽生手重調未典琴織素織縑原一樣
可憐我已負初心

料量行色到宵深多少青雲屬望心我幸成名君早世
幾回垂淚寄泥金

花宜館詩鈔卷一

二

昨夜烟花夢錦官幾年孤負月團圓柔魂那識江南路
破寺秋深暮雨寒時姚儒人尚厝成都化城寺

曉起

海風吹城冰凍沙初日到簾人影斜山禽踏雪語清曉
雙雙飛上黃梅花

題霓裳羽衣圖

婆羅門曲妙新裁道是西涼進奉來擊擲彈吹商調好
舊名莫誤紫雲迴

散序開頭拍序終錦袍飄雪舞春風誰翻幡綽河中譜
記有同州舊樂工

聽風聽水曲全忘不見齊州任六郎
荒字橫書誰辨得
迢迢樓外又斜陽

梨園爭唱荔支香粉骨春風恨渺茫
金屑琵琶誰絕妙
周家殘譜說南唐

開元法曲世間無十二遍中聲貫珠誰識
霓裳第三疊
祇今按樂有新圖

青陽

一星三兩曲一曲三兩峰
低竹木密覆以青茸
茸沿緣三十里轉權何春容
初時山氣黑忽又斜陽
逢樵人答雲唱漁侶尋
烟蹤柳寒犬聲寂浪劃
魚身衝人家夾

花宜館詩鈔

卷一

三

明鏡綠瀉春波濃
吾行已忘遠泛晴鷗從

姑蘇雨泊

閃閃篷窗燭燄青
酒錢蕭索臥雙瓶
單衾潑水春無夢
惆悵簫聲隔雨聽

吳興道中作

桃華一枝紅宛宛
黃雞將雛滿田坂
古祠倚樹屋架偏
野塘無人水流遠
千絲出岸魚網舉
一簫入邨餉擔返
坐覺微波卷好風
更見輕雲媚遙嶽
我時展墓返江鄉
卻買扁舟盪春晚
彈碣石膩蒿忽滑
仄港橋多帆數偃
蕭然巾拂似游仙
回首風塵愁跨蹇
長筵拘索縛朝衫

官道喧喧避珠噀似聞期限相促迫
那得江湖長繾綣
欲將長句訂鷗盟
新月如睂生嫩堰

泊烏鎮

一溪燕子攪春愁
青竹簾開水面樓
客纔初停月初上
藤花風細落船頭

抵杭州作

阿兄喜我歸走拋手中書
諸弟喜我歸攝衣堂中趨
阿嫂喜我歸治具入中厨
飯以長腰米佐以春韭菹
酒行語更多問答不欲疎
謂我鄉音改謂我昔顏殊
獎我成科名情摯詞非諛
慰我道路苦勸我傾春壺
兒童亦笑躍紛來牽衣裾
此時燭花熾耳熱心踟躕
安能百歲間不見舟與車

湖上口號

六度南巡奉

翠華當時春滿六橋花
閒行昨過黃船廠
水鳥銜魚上

槳牙黃船廠皆龍舟鳳艚也今損壞已十之七八

誰將面目借花神
世事從來質混真
而今廟祀花無主

牘有裙腰草色新李公衛壘已係爲花神乾隆間始改壘今廟已荒廢

供御曾傳宋嫂魚
湖樓魚味近何如
不須更種陶家柳

世上都誇五柳居五柳居本陶氏故業以醋烹魚得名今已數易主矣

花宜館詩鈔

卷一

三

飛度琉璃百折天中流誰許布帆飄去來總借湖風力

只有山僧煮飯船

湖州無帆惟淨慈寺齋飯船有之

吳越王祠傍水涯移來殘碣薛紋斜

表忠觀碑近錢梅溪詠自府學移至湖中老桂爲

年年但賞連蜺桂誰唱當時陌上花

湖中老桂爲

靖雙一葉酒千鴨遙憶風流老輩時寒食清明都過了

更無人唱柳枝詞

王述庵先生主講杭州作西湖柳枝詞一時和者數百家

香市山山二月開攜兒挈婦步徘徊鳴鉦松木場邊路

爭看如椽蠟燭來

鄉民送香有以數人舁一燭者

船頭船尾盡筠籃

各鄉縣人進香者歸時就買湖上竹籃滿之燒香籃

月二三贏得靈籤多吉語今年宜稻又宜蠶

花宜館詩鈔卷一

十

官來打量湖上工葑田計畝算南東布旗水面書濃墨

十段分開一棹通

時有濬湖之役分十段立旗水中以爲標識

午日龍舟展繡旗五千畫鼓水嬉時要看踏浪誇身手

爭把紅裙裹鴨兒

湖中五日龍舟頗盛有以旗酒及鴨投水中舟人酒水爭取之

漫論天竺白雲芽漫道香林味足誇且試白公新井水

一甌微綠本山茶

湖上人家所采茶皆稱本山

免燒茶香不計錢何須西太乙宮前虎跑路遠龍井僻

約客推尋六一泉

近日六一泉茶肆極盛

茶寮酒所遍勾留水色粘天綠似油十載紅闌春事好

午船齊泊看經樓

即望湖樓新葺不及十年爲西湖最盛處

小有天園東綠酣更無爾鋪念游探牡丹花小桃花瘦

不似當時舊壑庵

乾隆間會亭友游今已荒廢

西湖竹枝詞

二月三月湖水香采蓴采蓴雙槳忙郎心蓴葉一般滑

妾意蓴絲一樣長

月子彎彎夜未央雙飛雙宿美鴛鴦郎情莫似長橋樣

道是長時卻不長

湖上長橋甚短

幾時買得木蘭舟脫管蓴絲坐兩頭上湖酒香勸郎飲

下湖花好載郎游

新歌送別思徘徊更向花前勸玉杯靈鷲飛來不飛去

花宜館詩鈔卷一

五

不知郎去幾時來

紀游二首

柳洲春老柳飛棉三月東風太放顛攪得一湖無綠處

不知是雪是春烟

花陰深處見疎星烟抱涼蟾出遠汀夜半酒醒看不足

移船更泊望湖亭

慧日峰下作

舊爲小有天園今廢

石路斗上不肯平游人腳底春鳥鳴長松大石相倚立

細風翠霧排空行山前舊時起別業剔數雕岩諸郡甲

天子曾經翠罕留大官也喜開國狎勝日無時無客來

濃春無地無花插我生聞已不如前況我重來十五年
行避壞廊防墮瓦炊殘曲木并無椽人生只合逢場醉
若問人間總如寄東海時時見種桑安論千年萬年事
沈吟卻立竟忘歸一杆春鐘下山翠

族叔銘孫孝廉招游湖上作歌

寺傍寺湖外湖嬌鳥踏花名自呼雨聲一夜洗楊柳笑
撲楊花雪滿手船頭擊鮮船尾炊蜂戀酒香旋轉飛搖
我白圓扇勸君朱提瓶淵珍藪寶易銷散醉眼但見山
長青山長青酒長滿湖水香湖草短今日游固佳明日
游莫緩悲哉勞勞義與娥花開雖紅落則那北山之曲

花宜館詩鈔

卷一

十

南山阿麒麟高家碑我我世間富貴易取耳絲髮有霜
君奈何

固陵懷古

越王西去此經過憤鼻樞頭感慨多見說三觴方進酒
已憑一介罷揮戈古來易墮藏弓淚日暮猶聞采葛歌
獨有鴟夷歸計好五湖春水照修蛾

蕭山道中

昔人棲遯處山色總蕭然曉鳥前邨樹清江獨客那生
忘川路永靜覺梵鐘圓衆竊蒼蒼外漁燈幾箇懸

端午甬江道中待潮

蔽江健艣送潮下有似千百鳥鴉鳴我舟逆潮不能進
柳橋一尺孤纜橫柴扉三五倚江水邨人列坐沙草平
不設禮法但羈飲老瓦疾注卮醪清卻憶錢唐好風景
綠者圍笥紅山櫻雄黃飽蘸畫兒額老旭圖像丹砂頰
西湖水嬉更華麗龍舟畫鼓紛敲鑼家人留我度佳節
掉頭已向江東行豈知行路亦大好千巒萬壑山無名
晚天一笑柁樓飯石首燭賤船燈煮高歌無腔短童和
冠巾森爽南風生須臾潮平舟便發雙鷗拍拍江波明

姚丈秋坪

令俞

太守席上作

太守茸城彥攜琴到細湖放衙庭樹午挂笏海雲轟猛

花宜館詩鈔

卷一

七

燭遮銀押初筵進玉壺六年離合感舊事話成都

秀州訪吳夢塘師

玉海

不值

南風吹麥隴五月射襄城潮落沙痕遠雲流塔影輕到
門芳草合繞樹曉禽鳴遙想鹽官道題詩海氣晴

張遠春丈

興鐘

招飲塔射園

結屋枕江水客來船到門松聲招野鶴塔影傍清樽官
稱詩情冷鄉傳世閱尊空懷濟時略鬱鬱向誰論

題程希堂

銘

畫梅

梅花妙入喜神譜琴甲貝螺何太工他日圖成一百品
草堂無處不春風

孟蘭盆歌

厲壇治幽禮所遺元都大獻供冥施七聖旛節唐禮儀
剏山駭海儒所營至今委巷沿習之攤街僧座披三衣
是時月黑星芒稀三十六鎗搖光微金鈴郎當聲慘悽
瞑目戟指儼攝持大鬼彫亨舞傲傲短鬼跳躍從以嬉
五窮柳車去復歸女蘿爲帶薜荔衣亦有殺魄雄恣睢
獨乘赤豹從文狸長身九約角巖巖敦胸血掬行駉駉
紛來攫食張兩頤旁脯荷饌夥且多酒醪擇甘肉擇肥
天雞高唱博桑枝荒燐點碧隨烟飛我思此事重有悲
哀鴻整整鞠凶罹破甕十日九不炊酒肉臭爛朱門誰

花宜館詩鈔

卷一

太

方今賢吏羅九畿如何鬼飽生人饑

蘭

香光閨重幙秋意雪在枝瀟湘望不見清怨流琴瑟英
英月氣白團團露華滋殘尊讀離騷一洗萬古詩中有
夢空谷露落無人知

韓國看花

昔有王司寇詩成勝境傳漁洋山人有游韓國詩東風幾開落我
華復流連候火松墟畔題雲石屋前催歸禽語急花外
暝生烟

君山

俯瞰長江濁浪奔仰攀飛觀躡雲根山分雨色歸諸寺
潮挾秋聲下海門近岸船多魚市大新梅花盡鶴巢存
女環一曲無窮恨事去千年莫更論山以香中君得名

讀王丈古遺以錄遺詩

斯人不干古何以重知音作意別秋骨有光寒鬼心宦
成悲憤在醉死姓名沈回首看餘子天公妒未深

至當塗縣與大兄曼雲夜飲

高帆帶雨收江郭暮停舟古月仍牛渚春寒尚鹿裘新
年燈送喜貧宦酒銷愁六載輕離別人間易白頭

學使白小山丈招飲看燈

花宜館詩鈔

卷一

七

重向龍門拜李膺當年相賞魏王承禮尊前輩初投刺
官喜清時不禁鉅密座傳花催席斜窗分月上衣校
暖風已促乘輅去文學方勞漢殿徵

程方舟浣雲兄招游牛渚飲太白樓作

酒人生死如蜉蝣人間突兀兩酒樓任城酒樓足未到
柳向采石來維舟錦袍仙人控玉蚪一去不返江空流
坐收萬里入雙眼江水不洗胸中愁樓頭蕭蕭郎嘗畫壁
紫翠模糊遺蹟覓想當四堵下筆時山騰川奔霆怒激
前聲丹青擅場早可憐姓字今寂寂晚雲蓬蓬半江紫
樓上行觴四座起銀鑿落金叵羅客且飲吾當歌吾聞

戰場山下多鬼雄夜哭悲秋蘿功名青史數行字不幸
埋沒知誰何破除萬事養吾懶惟有痛飲而高哦主人
大笑眾客和老鸛驚起逃其窠東風夜撼魚龍醒罷酒
歸來月滿艇青山回首隔江城太白星芒動虛迴

陳鐵橋同年憲曾招飲瞻園

前朝傳甲第園爲徐中公子惜名園鶴導尋梅屐屐催
秋月樽簾波銀押動香篆玉爐溫未忘京華事青袍舊
酒痕

客裏

殘書幾卷靜中緣客裏情懷總惘然酒醒花前難一笑

花宜館詩鈔

卷一

三

雁聞江上已三年于湖亭榭寒多雨蜀道雲巒遠似天
家大人在蜀何術同消離別恨歸耕及早買烏犍

寓保安寺習

國書戲呈余栢岡鳳嘴程蕉雲川

佑劉竹笑

禮奎程憩棠栢采傅秋屏絕勵靳雲

屏會昌諸同年

拋卻平生讀過書舌人分課就僧廬聲諧金史元文外

清語與金史國語解合者十之六七而益詳備元製
蒙古字今稱編載百家姓蒙古古文石墨鑄華載元聖旨
碑客聚晨鐘午磬餘插架近知新語富康熙間纂清文
鑑乾隆間纂入
新定國語諸君晨集奉歸簞鐙誰共夜窗虛惟余留宿寺內漫將揚
馬誇詞賦纔似蝸髻入塾初

烏鵲謠

烏鵲鳴啾啾摧爾翼禿爾頭仙梁迢遙隔秋水年年別
淚明河流明河流入羅幃當戶織流黃機鵲繞樹鳴且
飛能載牛與女不能載郎千里歸爾鵲爾鵲亦可憐不
如衡陽雁猶能致書達郎前

題高已生同年

錫著白雲親舍圖送其南歸

高生生西吳武庫森五兵吐舌唾四海座客無不驚平
生善色養踰伏甘柴荆忽然發西笑挾策游

帝京抵掌公卿間嶽嶽起盛名佩魚與腰龜并拾誰與
爭顧念定省缺愁聽春鵲鳴幡然決歸計犯雪羊裘輕

花宜館詩鈔

卷一

三

君來白雲送君去白雲迎上堂拜白髮笑顏發春榮請
酌下箸酒請進長命觥思柔譜陔華何如束長生吾親
羈華陽蹤跡不合并巴船夢入峽萬樹青猿聲起視天
際雲片片皆西行省君圖中意使我百念繁但得半菽
奉此樂踰華纓養親逮親存勛哉君歸耕

以武殿試收掌官雪後直宿殿廡

學劍當時悔未成掄英鉅典廁書生天邊鐘漏入初靜
雪後樓臺夜更明可有萬言陳要策不嫌五夜守孤檠
紫宸喚仗期應近聽唱句牖第一聲

題孫秋士

憲僕卜兆圖

白骨無坏土傷心四十春披圖吾欲涕似爾奈何貧赤

電經空秘青山夢未真自題有省來空有夢交游一舟

麥高義屬何人

一炬空環堵巢焚事可嗟石老屋已燬於火知君悲未葬不敢

哭無家霜露心常感關河易華佳城如示兆幾日秣

歸車

同人小集尺五莊

冷吟閒醉飯笙歌一煥韶華莫放過事忌遷延晴日少

春無拘管野花多城南草杜天真近社後風烟氣已和

更請俸緡商近局豐臺紅藥錦成窩

花宜館詩鈔卷一

圭

輓邵餐霞孝廉

燕市年年逐酒徒哀彈自恨玉絃孤別開詩境黃山谷

未了歸心碧浪湖身後千秋吾黨惜眼中百輩此才無

天涯早抱焦桐感腸斷風前一葉枯看以立秋日死

同人屬勘餐霞遺稿漏盡偶成

幾家海內屹長城拔戟真誇一隊成十上慎看人得第

千篇空爲鬼爭名藏山有待將來事剪燭難消欲斷更

坐聽調刁吹萬籟世間多半不平鳴

花宜館詩鈔卷之一終

花宜館詩鈔卷之二

錢塘吳振械宜甫

古今體詩一百二首已卯至壬午作

歲已卯恭逢

皇上六旬萬壽元旦朝賀禮畢

錫宴羣臣恭紀四十韻

歲瑄開元日神庭

受筵年朝正肅

宸極祝

振徧瑤堦九連塵初動三殿候不愆祥暉催曙早和氣

花宜館詩鈔卷二

十

廟春妍稷雪融珠闕薰雲麗玉樓旂旄靖陸列設座下

伏鐘鼓鳳樓傳午門樓上跌蕩千門闢藏裝五轡駢星

移宮燭影風颺

御爐煙光見而爐香起連步何紛若齋心尙慎旃

當陽瞻負展警衆聽鳴鞭柱史扞彈切御史糾儀句臚贊導

先鳴贊官分庭班對峙序位石斜連按品級石朝罷仍

聯袂歸遲且撤酒正衙看放仗

中旨促陳筵日耀猶舞古霞舒帟幙鮮丹陛上張帳重

看春殿啟已見

帝車旋陸盾森環衛宮絃統羽縣謨韶聲協比翺翯影

隔蓬殿上奏
樂用舞

香案依光近豐楮上壽虔
進酒大臣奉爵 御座前

醉顏知有喜

膏澤沛無邊宗傑親疎屬
宗室 王公 名王左右賢 外藩 王公 台衡

資最重卿寺秩頻遷勳威榮祿曹司逮散員士首能

率職年班 士司生佛亦朝

天喇嘛更喜交閭盛如披王會篇問程經鳥谷通譯過

雞田南辯歸誠久東鞬抱節堅梯航皆接踵冠帶幸隨

肩朝鮮琉球南 掌各國使臣覆燕真宏矣儀章總秩然太官調水火

諸吏察聲類麟脯都充膳龍膏不釀泉芳餐犀作箸奇

花宜館詩鈔

卷二

二

果翠爲簪典紀仙萸始香分瑞楚前凡茲

視福被悉本

德功全天地心參兩春秋歲八千延長齊海嶽吐納謝

彭錢釋褐才原陋懷鉛業未專

殊施叨醉飽薄效闕塵涓拜獻慚金鏡吟哦託彩箋

賜酺延耄耄

盛典待重編
康熙乾隆兩朝 聖壽七旬 開千叟宴輯萬壽盛典一書

鐙詞

南油西漆價都增絃管聲中鶴唳騰聞道今年春事好

不過燕九不收鉅

第一豪華四姓侯霜風不上錦貂裘夜闌已倦看鐙眼
又扶歌兒問酒樓

驄馬清宵伺察頻車聲靜碾六街塵箭張酒趙偏無賴

倒把瓊鞭醉打人

袖揎香貂尺半長繡巾蟠領內家妝相逢畫戟頻窺認

恐是同遊姊妹行

正定龍興寺佛像歌
即廟之 龍藏寺

正定城中龍興寺七十三尺佛像崇有唐創建溯開寶

捨身烈燄僧澄空厥後興廢迭相踵我

朝亦施巧作工玉毫光中獅子座三十二相華而豐巍

花宜館詩鈔

卷二

三

巍巍我不可企飛簷翼以樓三重慧眼平看日月過瓊

瑤葢覆層霄中我聞藥上十八丈此像相較不及胸東

京亦有一丈佛鎔範祕影難並雄當時夜入漢帝夢金

身小現非神通不知無量無邊身亦爲滿絲與針鋒剖

芥藏山豈真肯拔毛沃海非摩靡分身散體總無著方

圓大小難終第我來瞻禮夏徂暑原田龜坼疑乾封金

剛輪除甘露水一滴可以蘇三農如何歲歲受供養行

雨不呼菩薩龍以此白佛佛不咎且歸拂簟眠清風

磁州道中

官道千楊柳亂嶂高處嘯好山不知數青在夕陽西沙

暖草香細水深荷葉低柴門閒笑語村叟看扶犁

南陽懷古

騎牛初識絳衣冠一日威儀復漢官符命肯容皇帝假
英雄方信弟兄難能教龍蜀終歸化未有韓彭死負冤
偏是故人呼不起世間無物傲漁竿

辰州

人家橫古郭雲景帶辰溪砂甬紅抽箭山田綠上梯殘
芻憐馬病孤枕怯猿嘯寂寂誰爲侶螢光入戶低

懷化

明河候輅影游氣豁晴曉山空無雞嘯行者已木杪巖

花宜傳詩鈔

卷二

四

藤翠織密澗果紅綴小展齒踏高雲百丈俯見鳥風微
谷響動鐘鼓出竇窳幽絕悽詩脾欲寫境已杳衡陽望
不極空宇雁聲裊

文德關

左山高無垠右谷窅無際奇險天不惜終古擲荒裔萬
石怒相向爭此尺寸地山荒靈液枯雲氣亦憔悴當昔
割據時夜郎苦驕恣此扼滇黔喉坐享戰守利老師復
糜餉采入功匪易豈知武烈盛端在文德懿

聖王柔羣雄所杖仁與義此山無傾時此論不可棄

飛雲巖

崖端豁百丈廓然剝其中仰觀壓人頂三面凌虛空石

筍皆倒生俯首下渴虹想當渾沌始斧斤鑿鴻濛滴乳
五百道凝結乘罡風裂成寶瓔珞垂雲影瓏璁四旁伏
蛟蜃亦復鬣甲雄象形慙冥會石萬巧則同翠割而蒼
擎惟天實貪功我來坐寒綠歷覽興未窮悄聞磬聲遠
杉竹藏花宮

巖下有月潭寺

山澗

澗泉出山走山徑破嶮刺石頭苦擔撐步步相蹙撈水
行石橫闌水立石上遏奇陣嚴壁壘重閉列門闌曲折
得一間奮然要隘奪俄而受箝制拗怒水倒潑厓傾羣

花宜傳詩鈔

卷二

五

龍鬬穴陷獍蛟拔龍鬬鱗甲飛蛟拔爪牙活又如萬奔
馬騰蹴鞍盡脫金鼓併一響雷霆下而喝地軸受擺撼
元氣日剝割我有兩耳來無此雜亂聒緣山數十里一
瞬脫駭咎安得百丈牋畫筆濃淡抹

牟珠洞

洞在平越州

老僧導我入山脇古雲出洞如相迎瘦藤支拄代健僕
猛炬照耀逃山精愈深愈曲愈偏仄忽凹忽凸忽坦平
鍾乳亂灑千點重日腳不漏一綫明其中厓石錯齷齪
無數物象嵌巖坑竹芽突兀錦綳脫蓮萼偃仰仙槎輕
猛如欣飛相格殺飄然春女行嬌獍脩羅空中八臂現